



MUAB TSO TAWM SAI LI SAI TAU
Hnub: Lub 7 Hli Ntuj tim 22, 2020

Cuag tau: Shawn Benjamin
Hauj lwm: (414) 286-3780
Cell: (414) 316-8316
Email: sbenja@milwaukee.gov

Isononitazene (iso) – Ib hom tshuaj tshiab uas muaj yeeb es muaj zog npaum li hom tshuaj fentanyl

Hom tshuaj isotonitazene – raws li paub ces hu ua "iso," yog ib hom tshuaj tshiab uas muaj zog tib yam li hom tshuaj fentanyl. Iso yog ib hom tshuaj zoo ib yam li hom tshuaj etonitazene, uas nyob rau xyoo 1957 pom tau hais tias muaj yeeb, ua tau neeg quav thiab muaj xwm txheej loj heev tsoom fwv hauv teb chaws thiab ntiaj teb thiaj yuav tau tswj kom zoo. Tab sis, tsoom fwv tseem tsis tau muab cov tshuaj iso tso npe rau hauv U.S. Drug Enforcement Administration kev tswj, txhais tau hais tias nws kuj tsis tau txhaum txoj cai. Txawm hais tias tseem tsis tau muaj kev tshawb fawb seb cov tshuaj isotonitazene puas yuav muaj kuab lom tau neeg npaum li cas, nws yog ib qho kev txhawj xeeb txog kev noj qab haus hu rau cov pej xeem vim hais tias nyuam qhua pom tau hais tias nws muaj kev cuam tshuam rau cov neeg tau siv cov tshuaj no es tuag lawm, thiaj ntseeg tau hais tias cov yeeb tshiab no muaj peev xwm ua kom muaj kev puas tsuaj dav heev.

Txawm hais tias tsis tau paub seb cov tshuaj no muag mus dav npaum li cas lawm los, yeej paub tau hais tias muaj muag nyob online los hloov cov tshuaj muaj yeeb uas raug tswj nruj nruj. Cov neeg tshawb fawb pom hais tias cov tshuaj iso feem ntau yog ua hmoov xim daj los yog dawb lias es muab tov tau nroog lwm cov tshuaj. Cov tshuaj no yog xa Suav Teb tuaj, ces muab hloov ua ntsiav tsuaj.

Nyob rau As Mes Liv Kas, cov tshuaj isotonitazene yog ib hom tshuaj tshiab uas muaj yeeb es siv heev tshaj. Ntaub ntawv teev nyob hauv Milwaukee County Medical Examiner lub chaw ua hauj lwm pom tau hais tias twb muaj cov tshuaj iso no tshwm nyob hauv lub Nroog tsawg kawv 7 zaus lawm hauv xyoo 2020. Peb pom tau hais tias cov neeg siv cov tshuaj iso no yog cov txiv neej dawb hnub nyoog 26-52 xyoos. Peb kuj tshawb pom ntxiv hais tias cov tshuaj iso no yog muab siv nrog lwm hom tshuaj (polydrug use) yuav muaj zog heev ua rau tuag tau.

Zoo xws li lwm cov tshuaj muaj yeeb (tshuaj loog), qhov teeb meem loj heev ntawm kev siv cov tshuaj iso no yog nws muaj zog dhau. Qhov uas muaj zog dhau yuav ua kom ua tsis taus pa, ces tuag. Peb nqua hu kom pej xeem sawv daws paub txog cov tshuaj tshiab no. Tib yam li siv cov tshuaj muaj yeeb, cov kws kho kev thum yeeb pom zoo kom cov neeg uas siv cov tshuaj no tsis txhob nyob ib leeg thaum siv, thiab yuav tau nqa cov tshuaj naloxone nrog, thiaj yuav pab thum tau. Tej zaum cov kuab tshuaj isotonitazene yuav muaj zog heev ces yuav tau siv cov tshuaj naloxone ntau dua los pab kom rov qab ua taus pa.

Yog koj los ib tug koj paub muaj teeb meem txog kev siv yeeb siv tshuaj, thov hu tuaj rau Milwaukee Overdose Response Initiative ntawm 414-286-5230 los yog hu 2-1-1 mus rau qhov chaw muab kev qhia txog cov kev pab cuam.

###